

كيف الحل؟

عام من الشوق كيف الحل خبرني؟
الكبد ذايب أسي والروح عطشانه!
حيران مدري وش اللي فيك يجبرني؟
أشتاق ووله وشقي النفس من شانہ!
معقول (حبك) لهذا الحد يأسرني؟
أو بك فتني إله العرش سبحانه!
كل يوم أحس الغلا لك زود يغمري
ما كن غيرك بهذا الكون إنسانہ!
يا ليت شوفك حلم أغفى وتحضرني
يسد جوع اشتياق زاد طغيانه!
مير البلا لا حلمت الشوق يسجرني
ويعج في داخلي ويثور بركانه!
أوقات أفكر أسيبه شخص هاجرني
أنب ضميري وأحس الروح ندمانه!
يا كيف بعشق شخص ناوي يدمرني؟
والقلب له عام يصلی نار حرمانہ!
سجين حبه ولا راضي يحررني
وما شفت منه سوى تعذيب سجانہ!